



Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sectio I. Variæ circa Entis supernaturalis conceptum sententia.

urn:nbn:de:hbz:466:1-13718

DISPUTATIO DVODECIMA.

De Ente supernaturali.

AD plenam questionis precedente Disputatione discussa intelligentiam, Darine scilicet possit creatura, quae naturaliter videre possit Deum, subiecta necessariò hæc de Entis supernaturalis notione, utpote quæ maximam cum illâ habet connexionem, & utraque iisdem fermè nititur principiis. Quamvis ergo alibi eam ut plurimum tractari videam, ejus tamen discussionem nullo modo existimo differendam.

SECTIO PRIMA.

Variae circa Entis supernaturalis conceptum sententiae.

Lac de re copiosissimè P. Ripalda in Opere illò de Ente supernaturali, ubi eam accuratè discutit. Eandem questionem fatis fusè disputat P. Arriaga hic, Disp. tertia. Ego præfixe mihi brevitatis memor, quam paucissimis eam perstringere conabor.

II. *Supernaturalitas non est connexio cum Deo ut in Personis Trino.*
In primis itaque, non in eo situs est conceptus supernaturalitatis, quod res aliqua connexionem habeat cum Deo ut Trino, ut aliqui affirmant. Ratio est; multa namque sunt supernaturalia, quæ non connectantur peculiariter cum Deo ut Trino. Primo enim in virtutibus infusis Justitiae, Misericordie, Humilitatis, &c. nulla refuet hujusmodi connexionem, que tamen secundum omnes sunt supernaturales. Deinde actus fidei, quo quis sicut oportet, credit Deum esse Unum, quem & nos frequenter elicimus, & Judæi, dum apud eos esset vera Dei Ecclesia, passim exercebant (paucissimis siquidem notum erat mysterium Trinitatis) erat supernaturalis. Tertiò actus, quo hereticus quipiam affirmit vel negat Trinitatem, est naturalis, & tamen peculiariter habet cum hoc mysterio connexionem: ergo ratio naturalitatis & supernaturalitatis non recte in eo statuitur, quod quid peculiariter connectatur, vel non connectatur cum Deo ut Trino. Videatur P. Arriaga citatus sect. 2. subsectione primâ, ubi hoc latius prosequitur.

III. *Nec confitit in eo quod superes res omnes creatas, & creabiles hisce similes.*
Aliâ viâ incedit P. Alarcon i. p. disp. 2. cap. 8. Ait itaque in hoc confitit rationem supernaturalitatis, quod sit perfectio quadam intrinseca, res omnes quæ haec tenus creatas sunt, & alias hisce similares excedens, iisque sit indebita. Unde, inquit, quavis gratia habitualis, substantia alicui creatura possit debita, non tamen sequitur, eam non esse supernaturalem, cum naturis omnibus seu substantiis de facto creatis, & alias iis similibus sit indebita, quod sufficere afferit, ut censi posse supernaturalis.

Sed contra: hinc enim sequitur, si Deus superioris ordinis Angelum ad eos, qui de facto sunt, crearet, cum fore supernaturalem; res enim omnes de facto creatas, & alias iis similes in perfectione excederet, in quo, secundum hanc sententiam, situs est conceptus supernaturalitatis.

Dices, hujusmodi Angelum non fore supernaturale: non enim posset elicere supernaturalis operationes. Contrà primo: Ergo in eo non consistit notio supernaturalitatis, quod res aliqua in perfectione superet substantias de facto creatas, & alias iis similes. Contra secundo: Angelus namque iste, secundum hunc procedendi modum, posset elicere actus supernaturalis; posset enim operari proportionate ad suam naturam, sive operationes tanto aliarum substantiarum operationibus perfectiores elicere, quanto Angelus ille alios Angelos & substantias in perfectione excedit: si ergo substantia substantias omnes creatas, aliasque iis similes, in perfectione excedens sit supernaturalis, operationes quæ creatarum omnium substantiarum operationes superant, similiter erunt supernaturales. Quare juxta hanc sententiam, posset Angelus ille credere & amare Deum supernaturaliter, cum tantò perfectius amare cum posset præ reliquis Angelis, quantum eos superat in entitate.

V. *Tertia sententia ait, id est supernaturale, quod est supra omnia natura substantiam.*
Tertia hac de re nonnullorum sententia est, illud esse supernaturale, quod est supra omnem naturam seu substantiam, quæ pro eodem passim à Philosophis usurpatur. Hanc sententiam fuisse refert & impugnat P. Herice, i. p. d. 48. c. 2. n. 17. & sequentibus. Eam nihilominus non pauci sequuntur ex recentioribus, & acriter defendit P. Arriaga hic, d. 3. sect. 1. & 3. plurimisque adducitis fusissimè circa eam discutit.

Illud mihi in hac opinione primo displaceat: Deus enim est Ens supernaturalis; hæc siquidem appellatio dignitati ejus in primis congruit, eiusque à substantiis omnibus creabilibus distantia & elevatio existendi modus per se optimè declaratur: & tamen secundum hos auctores esset ens naturale, cum sit substantia, & veram ac propriam habeat naturam; ergo non est supra omnem naturam & substantiam, ergo non est Ens supernaturalis.

VII. *Deus est Ens supernaturalis.*
Secundo: quaestio à Theologis omnibus ponitur, darine possit substantia supernaturalis: in hac autem sententia, inanis plane, & in ipsis terminis implicans est hac quaestio: perinde enim est, ac si quis quereret, num dari possit substantia supra omnem substantiam: quis autem sanx mentis hoc inquireret, cum luce clarius sit, nullam hujusmodi reperiri substantiam posse. Ulterior ergo supernaturalis notio indaganda.

Posset ille Angelus elicere operationes supernaturales.

VI. *Tertia sententia ait, id est supernaturale, quod est supra omnia natura substantiam.*

VIII. *Impugnatur prior sententia ex communione sensu Theologorum.*

SECTIO